

Na osnovu člana 4.stav2.Zakona o komunalnm djelatnostima TK („Sl.novine TK“,br:11/05), člana 6.Zakona o gardevinskom zemljištu Federacije Bosne i Hercegovine („Sl.novine FBiH“, br.67/05), člana 13. Zakona o principima lokalne samouprave u Federaciji („Službene novine Federacije BiH“, broj:49/06 i 51/09), člana 25.Statuta općine Banovići („Sl.glasnik općine Banovići“, broj:3/08) i člana 91.Poslovnika o radu Općinskog Vijeća („Sl.glasnik općine Banovići“, br.7/06), Općinsko Vijeće na 14. redovnoj sjednici održanoj dana 27.02. 2018.godine, donijelo je :

O D L U K U

O PRIVREMENOM KORIŠTENJU JAVNIH POVRŠINA I VISINI NAKNADE NA PODRUČJU OPĆINE BANOVIĆI

I OPĆE ODREDBE

Član 1.

Ovom Odlukom određuju se opći uslovi za davanje na privremeno korištenje (u daljem tekstu: korištenje) javnih površina na području općine, Banovići kao i visini naknade za korištenje istih. Pod privremenim korištenjem podrazumijeva se pravo zauzimanja javne površine na određeno vrijeme, na način koji ne utiče na promjenu karaktera javne površine.

Član 2.

Javnim površinama u smislu ove Odluke smatraju se površine zemljišta koje su namijenjene općoj upotrebi a to su:

1. Javne saobraćajne površine: ulice, ceste, trgovi, javni prolazi, javna stepeništa, mostovi, skverovi, javna parkirališta u naseljima i van naselja, trotoari, staze;
2. Javne zelene površine: parkovi, drvoredi, posude sa ukrasnim biljem, živice i žive ograde, travnjaci, obale rijeka i potoka, dječija igrališta, sjetvene površine, zelene površine uz cestu i ostale slične površine;
3. Peroni autobusnih stanica i zemljište oko njih, parking prostor oko benzinskih pumpi;
4. Otvoreni pijačni i tržni prostori oko prodajnih objekata, prostor oko gradskih česmi;
5. Uređene rekreacione površine, sportska igrališta te ostali javni sportski objekti i uređaji na njima kao i prostori povezani sa tim terenima i prostor oko njih;
6. Neuređene javne površine i prostori;
7. i drugo neuređeno zemljište do privođenja konačnoj namjeni.

Član 3.

Pod korištenjem javnih površina u smislu ove Odluke smatra se:

1. Postavljanje tipskih kioska za prodaju novina, cigareta, pekarskih proizvoda, igara na sreću i za zadovoljenje potreba stanovništva u pogledu snadbijevanja namirnica, voćem i povrćem;
2. Postavljanje objekata tipa "kontejneri" koji služe kao magacinski prostori, za kancelarijske poslove i slično;
3. Postavljanje ljetnih bašti, tendi za pružanje ugostiteljskih usluga koji nisu sastavni dijelovi postojećih ugostiteljskih objekata i prostorija;
4. Postavljanje ljetnih bašti, tendi za pružanje ugostiteljskih usluga ispred ugostiteljskih objekata i prostorija;

5. Postavljanje tezgi, rashladnih uređaja, stolova za prodaju knjiga, cvijeća, štampe, ukrasnih predmeta, lutrije, kao i aparata za kokice, sladoled i sl., čime se ne remete osnovni elementi korištenja javnih površina i ne ometa rad postojećih objekata;
6. Deponovanje građevinskog materijala, deponovanje i dalja obrada materijala koji se dobije eksploataciom kamena, pijeska i sl. materijala uključujući postavljanje privremenih objekata, opreme i uređaja koji služe toj svrsi, postavljanje građevinskih fasadnih skela, radovi na čišćenju i popravci vanjskih dijelova zgrade i njihovih uređenja;
7. Zabavnih parkova (ringišpil, luna park, cirkusnih šatri) i drugih sportskih i zabavnih sadržaja;
8. Postavljanje reklamnih panoa;
9. Korištenje poligona za obuku vazača;
10. Prodaja bostana i drugih poljoprivrednih proizvoda;
11. Prezentacije, degustacije i kulturne manifestacije;
12. Izlaganje i reklamiranje roba i usluga ispred poslovnih prostorija i objekata kao i izvan poslovnih prostora;
13. Javno okupljanje (predizborni mitinzi i sl.);
14. Prekopavanje radi postavljanja, uklanjanja, izmjene i opravke oštećenih podzemnih instalacija;
15. Popravke i pranje motornih vozila ispred poslovnih objekata koji se bave tom djelatnošću;
16. Korištenje javne površine i na bilo koji drugi način, a u svrhu obavljanja privrednih i drugih, djelatnosti (npr. betoniranje prilaza, ulaza, postavljanje obrađenog kamena i sl);
17. Korištenje antenskog stuba za postavljanje baznih stanica;
18. Postavljanje otvorenih tezgi;
19. Postavljanje samostojećih ormara u telekomunikacijske, elektro i druge svrhe.

Član 4.

Korisnik javne površine može istu koristiti samo u svrhe i način određen ovom Odlukom i u skladu sa odobrenjem za korištenje izdato od nadležne Službe.

Član 5.

Niko ne može početi koristiti javnu površinu prije nego, na način propisan ovom Odlukom, pribavi odobrenje za korištenje i plati naknadu ako ovom Odlukom nije drugačije određeno. Odobrenje za korištenje naknade korisnik je obavezan imati na licu mjesta tokom vremena korištenja javne površine.

Član 6.

Korisnik javne površine i objekta je istu obavezan održavati u uzornom redu i čistoći. Nakon prestanka korištenja korisnik je obavezan ukloniti sve tragove svog korištenja javne površine tj. treba je dovesti u stanje prije početka korištenja.

II ODOBRENJE O KORIŠTENJU JAVNE POVRŠINE

Član 7.

Korištenje javnih površina odobrava se na osnovu pojedinačnih zahtjeva.

Član 8.

Zahtjev za izdavanje odobrenja za korištenje javne površine podnosi se nadležnoj Službi. Zahtjev za izdavanje odobrenja podnosi lice zainteresovano za korištenje javne površine.

Član 9.

Za korištenje javne površine naknada se plaća prije izdavanja rješenja.

Pravna i fizička lica koja zauzimaju javnu površinu godinu dana i više i čija naknada prelazi iznos od 1000,00KM /mjesečno mogu plaćanje regulisati putem Ugovora iz člana 13.ove Odluke.

Za korištenje javne površine u vremenu kraćem od mjesec dana ,osim jednodnevnih korištenja propisanih ovom Odlukom ,naknada za korištenje plaća se:

- Do 15 dana u visini polovice mjesečnog iznosa
- Preko 15 dana u visini mjesečnog iznosa

Član 10.

Zahtjev za izdavanje odobrenja za korištenje javne površine treba da sadrži:

1. ime i prezime ,odnosno naziv firme i adresu podnosioca zahtjeva,
2. naziv lokacije sa dimenzijama zauzeća dijela javne površine,
3. opis djelatnosti koja će se obavljati na javnoj površini,
4. vremenski period zauzimanja javne površine ukoliko nije drugačije određeno ovom Odlukom,
5. broj stolova koji će biti postavljeni na određenoj površini kad se radi o ljetnoj bašti,
6. odobrenje za obavljanje djelatnosti ukoliko se radi o pravnom ili fizičkom licu ,

Uz zahtjev za izdavanje odobrenja za postavljanje fasadnih skela i deponovanje građevinskog materijala potrebno je osim gore navedenog priložiti i

- odgovarajući pravni akt nadležne službe (kopiju urbanističke saglasnosti po članu 109.Zakona /kopiju odobrenja za građenje, i dr.)

Član 11.

Odobrenje za korištenje javne površine sadrži:

- ime i prezime, odnosno naziv firme i adresu podnosioca zahtjeva,
- odobrenu lokaciju,
- opis, dimenzije, namjena, vrsta objekta, odnosno opis djelatnosti, te urbanističko tehničke uslove za korištenje,
- površinu zauzete javne površine u m²,
- ovjeren grafički prikaz /skicu sa ucrtanim oblikom zauzeća,dimenzijama ,itd.,
- visinu naknade za zauzetu javnu površinu,
- vremenski period na koji se odobrava korištenje javne površine,

Odobrenje za korištenje dijela javne površine se izdaje na određeno vrijeme.

Korištenje javne površine može se odobriti na period najviše od jedne godine.

Nakon isteka važnosti rješenja o odobrenju korištenja javne površine stranka može tražiti izdavanje novog rješenja.

Izuzetno,ukoliko se odobrava zauzimanje javne površine u svrhu utvrđenu u članu 3.alineja 19.

Ove Odluke korištenje javne površine može se odobriti na period od tri godine.

Član 12.

Sva prava i obaveze za korištenje javne površine utvrđuju se odobrenjem između davaoca javne površine i korisnika javnih površina.

Naknada se plaća na Bužet općine Banovići .

Član 13.

Nadležna Služba koja izdaje odobrenja za korištenje javne površine vodi evidenciju o izdatim odobrenjima a Služba za budžet, finansije i inspekcijske poslove vodi evidenciju o realizaciji novčanih naknada na osnovu izdatih odobrenja i Ugovora.

Član 14.

Odobrenje za korištenje javne površine prestaje važiti i prije isteka vremena na koje je izdato u slučajevima:

1. ako korisnik ne koristi javnu površinu na način i u svrhe kako je određeno ovom Odlukom, odnosno odobrenjem za korištenje,
2. ako na javnoj površini obavlja djelatnost lica koje nije navedeno u odobrenju za korištenje,
3. ako koristi veću površinu od odobrene,
4. ako korisnik bude tri ili više puta u toku kalendarske godine kažnjavan za prekršaj zbog ne pridržavanja ove Odluke ili drugih važećih propisa,
5. ako objektivne potrebe nalažu drugačiji način korištenja javne površine na koju se odnosi odobrenje za korištenje,
6. ako se utvrdi da je korisniku javne površine pravosnažnim rješenjem nadležnog organa zabranjeno obavljanje privredne djelatnosti navedene u odobrenju za korištenje i ako ostupi od dozvoljene djelatnosti,
7. ako korištenje javne površine narušava javni red i mir, međuljudske odnose i šteti okolini.

Slučajeve iz prethodnog stava ovog člana utvrđuje rješenjem nadležna Služba i isto dostavlja korisniku javne površine.

Član 15.

Korisnici javnih površina dužni su se u svemu pridržavati uslova datih u odobrenju o korištenju javnih površina.

Član 16.

Protiv rješenja o odobravanju korištenja javne površine u drugom stepenu rješava Drugostepeni organ u upravnom postupku Općinskog Vijeća Banovići.

III URBANISTIČKO TEHNIČKI USLOVI

Član 17.

Za korištenje javne površine u svrhu izlaganja i reklamiranje roba i usluga ispred poslovnih objekata i prostorija ne može se odobriti javna saobraćajna površina.

Javna površina u svrhu izlaganja i reklamiranja roba i usluga ispred poslovnih prostora i objekata ne može se odobriti veća od 10 m².

Član 18.

Mjesta na javnim površinama na kojima je odobreno postavljanje stolova i stolica radi, postavljanja ljetnih bašti, bez obzira da li su sastavni dijelovi poslovnih prostorija ili nisu, moraju ispunjavati sljedeće uslove:

1. prostor koji ostaje za pješake ne može biti uži od dva metra, a udaljenost ograde ljetne bašte od ruba saobraćajnice ne može biti manja od dva metra,
2. javna parkirališta i površine na kojima se nalaze ventilacioni otvori i slično ne mogu se odobriti za postavljanje ljetne bašte ukoliko Služba ne cijeni drugačije
3. u površinu ljetne bašte uračunava se i površina živice, žardinjera ili druge ograde koja se postavlja uz rubove bašte,

4. visina pokretne ograde ne može biti veća od jednog metra,
5. ukoliko se prostor ljetne bašte nalazi djelimično ili u cjelosti na javnoj zelenoj površini, površina se mora zaštititi montažno-demontažnom podlogom,
6. postavljanje ljetne bašte ne može se odobriti za poslovni prostor koji nema direktan ulaz sa javne površine, odnosno trotoara,
7. po prestanku rada ugostiteljske radnje, kao i po proteku vremena određenog u rješenju za korištenje javne površine, mora se ukloniti sve što je bilo u funkciji ljetne bašte, a površina se mora privesti prvobitnoj namjeni u roku od 7 dana od dana prestanka rada, odnosno isteka roka,
8. uslove tipa i izgleda ljetne bašte propisuje nadležna Služba.

Član 19.

U sklopu ljetne bašte mogu se postavljati tende uz odobrenje nadležnog službe. Tende mogu biti zglobne, rolovene i konzolne, a pokrivni materijal platno svih vrsta. Boju veličinu i tip tende određuje nadležna služba.

Član 20.

Korištenje javne površine radi postavljanja ljetne bašte sa tendom ili suncobranima može se odobriti sezonski na period od 01. marta do 31. oktobra tekuće godine.

Član 21.

Mjesta na javnim površinama na kojima je odobreno postavljanje objekata tipa kiosk moraju ispunjavati sledeće uslove:

- postavljanjem ovih objekata ne može se spriječiti ili otežati korištenje zgrada ili drugih objekata i ugrožavati bezbjednost saobraćaja i pješaka,
- postavljanjem ovih objekata u blizini raskrsnice mora odgovarati bezbjednosti saobraćaja i ne može svojim položajem smanjiti preglednost i odvijanje saobraćaja (zaklanjati signalizaciju i sl.),
- objekti mogu biti tipski kao i montažno-demontažni, lake konstrukcije,
- objekti se mogu postavljati samo na mjesta na kojima neće dolaziti do prljanja javne površine i ometanja saobraćaja, te na kojima se neće umanjiti estetski i opći izgled tog mjesta,
- veličina, odnosno gabariti ove vrste objekata zavisit će od namjene i lokacije predmetnog objekta, a po pravilu prostor ne može biti veći od 10m².

Korisnici ovih objekata su dužni objekte i neposrednu okolinu držati u čistom i urednom stanju, a za reklamiranje artikala koje nude ne mogu koristiti okolne objekte i površinu (frižideri i rashladni uređaji).

Prestankom važenja odobrenja za postavljanje objekata iz stava 1. ovog člana korisnik je dužan objekat ukloniti i teren dovesti u prvobitno stanje.

Član 22.

Pokretne tezge na kojima se prodaju srećke, razglednice, čestitke, knjige, cvijeće i drugi predmeti, suveniri (ukrasi) mogu se postaviti i na trotoarima samo u dane prigodnih svečanosti i praznika uz odobrenje nadležne Službe i isti mogu ostati na određenom mjestu samo za vrijeme tih dana.

Član 23.

Za korištenje javne površine u svrhu prodaje kokica, pomfrita, sladoleda, kukuruza i drugih sličnih proizvoda koji se pripremaju na licu mjesta, prije pribavljanja odobrenja potrebno je prethodno pribaviti sanitarnu saglasnost.

Član 24.

Reklame, reklamne konstrukcije, reklamni panoi, reklamni svijetleći i drugi ormarići, jarboli zastava, oglasne ploče, oglasni stubovi, transparenti, zaštitne tende i ostalo (u daljem tekstu "naprave") mogu se postavljati samo na osnovu odobrenja za postavljanje izdatog od strane nadležne Službe. Izuzetno Služba može za određene manifestacije i druge prilike periodičnog karaktera dati odobrenje za privremeno postavljanje navedenih predmeta i objekata, ali se one moraju ukloniti odmah po prestanku razloga zbog kojeg su postavljeni.

Član 25.

Posebne samostojeće objave za kratkotrajne manifestacije mogu se postaviti i na trotoare ili zelene površine uz naknadu i samo na osnovu odobrenja za postavljanje, izdatog od strane nadležne Službe.

Organizator ih mora ukloniti u naloženom roku ili će to učiniti nadležna inspekcija prinudnim putem o trošku organizatora.

Član 26.

Odobrenjem za postavljanje naprava iz člana 24. ove Odluke Služba će odrediti mjesto, način i vrijeme na koje se postavlja, obavezu i rok plaćanja kao i visinu naknade za postavljanje ovih naprava.

Prestankom važenja odobrenja za postavljanje naprava iz stava 1. ovog člana, korisnik je dužan iste ukloniti o svom trošku odmah od dana prestanka važenja rješenja-odobrenja.

U slučaju da korisnik istu ne ukloni učinit će to nadležna inspekcija prinudnim putem o trošku korisnika.

Član 27.

Nadležna služba svojim rješenjem zbog veličine i posebnih uslova postavljanja, određuje lokacije, uslove, vremenski rok za postavljanje pojedinih tipova reklamnih objekata (panoi tipa Jumbo, Citi Light i sl.)

Član 28.

Uz zahtjev za postavljanje objekata iz člana 24. i 27. ove Odluke potrebno je priložiti skicu lokacije sa ucrtanim položajem naprave, a ukoliko su ovi objekti osvijetljeni uz zahtjev se prilaže i elektroenergetska saglasnost.

Za veće reklamne konstrukcije i konzolne reklame koji se postavljaju na zemljištu podnosi se projekat koji sadrži projekat elektroinstalacija ukoliko je reklama svijetleća.

Član 29.

Ulice, trgovi, trotoari, parkinzi, zelene i ostale javne površine mogu se prekopavati radi postavljanja, uklanjanja, izmjene i opravke oštećenih podzemnih instalacija i uređaja samo pod uslovom da firma ili lice koje to zahtijeva dobije odobrenje od nadležne Službe.

Zahtjev za odobrenje za prekopavanje javne površine zbog postavljanja različitih podzemnih instalacija treba da sadrži:

- na kopiji katastaraskog plana ucrтана trasa prekopa ili situacioni prikaz u adekvatnoj razmjeri
- odobrenje za izvođenje građevinskih radova sa projektnom dokumentacijom
- precizne dimenzije dužine, dubine i širine prokopa
- projekt novih instalacija
- ugovor sa izvođačem radova
- rokovi za izvođenje radova
- ostala dokumentacija koja je po mišljenju voditelja postupka potrebna

Za nedovođenje prekopa u ispravno stanje nadležna je komunalna inspekcija.

Ukoliko se radovi zbog kojih je prekopavanje izvedeno ne mogu izvesti u odobrenom roku investitor je dužan da zatraži produženje roka za prekopavanje.

Po dobijanju odobrenja za izvođenje radova na javnim saobraćajnim površinama izvođač radova će prije početka radova pribaviti saglasnost od organa za regulisanje saobraćaja.

Član 30.

Ukoliko se kolovoz prekopava po širini, prekopavanje se vrši po etapama tako da je jedna strana kolovoza uvijek osposobljena za odvijanje saobraćaja.

Ukoliko se radovi takve prirode ne mogu vršiti na način iz stava 1. ovog člana investitor je dužan u saglasnosti sa organima nadležnim za regulisanje saobraćaja ulicu zatvoriti, postaviti propisane oznake i radove obaviti u roku predviđenom u odobrenju za prekopavanje.

Izvođač radova je dužan da prilikom izvođenja radova obezbijedi nesmetan prilaz prodavnicama, školama i drugim javnim objektima.

Član 31.

Po završetku odobrenih radova iz člana 29. i 30. ove Odluke, izvođač je dužan odmah javnu površinu dovesti u prvobitno stanje i ukloniti sve otpatke sa površine na kojoj su se radovi izvodili. Ukoliko bi se nakon izvjesnog vremenskog perioda a najkasnije u roku od 6 mjeseci od završetka radova na mjestu gdje su izvedeni radovi pojavilo vidljivo ulegnuće ili napuknuće površine koje ometa ili ugrožava saobraćaj, investitor je dužan da na zahtjev nadležne inspekcije otkloni o svom trošku uočene nedostatke.

IV NAKNADE ZA KORIŠTENJE JAVNE POVRŠINE

Član 32.

Za privremeno korištenje javnih površina plaća se naknada.
Naknada je prihod općine Banovići.

Član 33.

Za korištenje javne površine plaća se naknada kako slijedi:

1. korištenje javne površine za jedan dan za vrijeme praznika i drugih prigodnih svečanosti plaća se naknada na površinu do 5 m² u iznosu od 10,00 KM, a na površinu do 10 m² plaća se naknada u iznosu 20,00 KM (prodaja cvijeća, čestitki i sličnih proizvoda),
2. za sezonsko korištenje javne površine za prodaju bostana ili drugog sezonskog voća i povrća određuje se dnevna minimalna naknada u iznosu od 10,00 KM i to na prodajnu površinu do 10 m² za gradsku zonu, a u ruralnom području u iznosu od 5,00 KM na prodajnu površinu do 10 m².

Član 34.

Za korištenje javne površine u svrhu prodaje kokica, pomfrita, kukuruza i slično plaća se naknada za jedan mjesec kako slijedi:

1. naknada za I zonu 50,00 KM
2. naknada za II zonu 40,00 KM
3. naknada za III zonu 30,00 KM
4. naknada za IV zonu 20,00 KM
5. naknada za V zonu 5,00 KM

Za korištenje javne površine u cilju prodaje sladoleda plaća se mjesečna naknada u iznosu od 50,00KM u svim zonama.

Član 35.

Za korištenje javne površine u svrhu postavljanja otvorenih tezgi ili prodajnog stola u cilju prodaje na malo plaća se dnevna naknada u iznosu od 10,00 KM u svim zonama, a najduže na period od 7. dana.

Član 36.

Za korištenje javne površine radi postavljanja objekata-tipa kiosk koji služe za obavljanje djelatnosti, kao i drugih objekata ovakve vrste određuje se mjesečna naknada kako slijedi:

1. naknada za I zonu 7,00 KM / m²
2. naknada za II zonu 6,00 KM / m²
3. naknada za III zonu 4,00 KM / m²
4. naknada za IV zonu 3,00 KM / m²
5. naknada za V zonu 1,00 KM / m²

Član 37.

a) Za korištenje javne površine radi formiranja ljetne bašte uz poslovne prostorije ili odvojeno plaća se mjesečna naknada kako slijedi:

1. naknada za I zonu 6,00 KM / m²
2. naknada za II zonu 5,00 KM / m²
3. naknada za III zonu 4,00 KM / m²
4. naknada za IV zonu 3,00 KM / m²
5. naknada za V zonu 1,00 KM / m²

U periodu od 01.03.-01.05. i 01.10.-31.10. plaća se naknada u visini od 50% od propisane u tački a) ovog člana.

b) Za korištenje tende uz ljetne bašte i druge poslovne objekte i prostore plaća se mjesečna naknada kako slijedi:

1. naknada za I i II zonu 2,00 KM / m²
2. naknada za III i IV zonu 1,50 KM / m²
3. naknada za V zonu 0,50 KM / m²

Član 38.

Za korištenje javne površine u svrhu organizovanja zabave za djecu (postavljanje ringišpila, dječijih autića, i sličnih sadržaja) plaća se dnevna paušalna naknada kako slijedi:

1. naknada za I zonu do 500 m² u iznosu 40,00 KM, preko 500 m² u iznosu od 100,00 KM
2. naknada za II zonu do 500 m² u iznosu 30,00 KM, preko 500 m² u iznosu od 40,00 KM
3. naknada za III zonu do 500 m² u iznosu 25,00 KM, preko 500 m² u iznosu od 30,00 KM
4. naknada za IV zonu do 500 m² u iznosu 20,00 KM, preko 500 m² u iznosu od 25,00 KM
5. naknada za V zonu do 500 m² u iznosu 10,00 KM, preko 500 m² u iznosu od 15,00 KM

Član 39.

Za korištenje javne površine u svrhu deponovanja građevinskog materijala, deponovanja i dalja obrada materijala koji se dobija eksploataciom kamena, pijeska i sl. materijala uključujući postavljanje privremenih objekata, opreme i uređaja koji služi toj svrsi, kao i postavljanje građevinskih fasadnih skela, za održavanje, popravke i pranje motornih vozila plaća se mjesečna naknada isto za sve zone kako slijedi:

1. do 10 m² - mjesečna naknada 30,00 KM
2. od 10 - 50 m² - mjesečna naknada 50,00 KM
3. od 50 - 100 m² - mjesečna naknada 70,00 KM
4. od 100 - 500 m² - mjesečna naknada 100,00 KM
5. od 500 - 1000 m² - mjesečna naknada 200,00 KM
6. od 1000 - 3000 m² - mjesečna naknada 400,00 KM
7. preko 3000 m² - mjesečna naknada 300,00 KM za svakih 1000 m²

Za odlaganje viška zemlje, građevinskog šuta i drugog otpadnog materijala na određene deponije, utvrđuje se naknada u iznosu od 1,00 KM po kubnom metru deponovanog materijala.

Član 40.

Za korištenje javne površine u svrhu organizovanja kulturnih manifestacija, prezentacija i sl. plaća se dnevna naknada u svim zonama isto u iznosu od 50,00 KM.

Član 41.

Za korištenje javne površine u svrhu izlaganja reklamnih proizvoda ispred trgovačkih radnji (izlaganje voća, povrća, tekstilne robe, igračaka, saksije, humus i sličnih proizvoda) plaća se mjesečna naknada kako slijedi:

1. naknada za I zonu 3,00 KM / m²
2. naknada za II zonu 2,50 KM / m²
3. naknada za III zonu 2,00 KM / m²
4. naknada za IV zonu 1,50 KM / m²
5. naknada za V zonu 0,50 KM / m²

Član 42.

Za korištenje javne površine u svrhu postavljanje naprava iz člana 24. ove Odluke plaća se mjesečna naknada kako slijedi:

1. naknada za I zonu 3,00 KM / m²
2. naknada za II zonu 2,50 KM / m²
3. naknada za III zonu 2,00 KM / m²
4. naknada za IV zonu 1,00 KM / m²
5. naknada za V zonu 0,50 KM / m²

Naknada za postavljanje plakata, oglasa i sličnih objava utvrđuje se u iznosu:

1. za plakate veličine do 0,5 m² naknada od 0,30 KM po komadu,
2. za plakate veličine od 0,50 do 1,0 m², naknada od 0,50 KM po komadu,
3. za plakate veličine preko 1,0 m² naknada od 0,80 KM po komadu.

Član 43.

Visina naknada utvrđena za korištenje javne površine za V zonu primjenjivat će se i za VI zonu.

Član 44.

Za prekopavanje javne površine radi postavljanja novih podzemnih instalacija plaća se naknada u iznosu 5,00 KM/m² (zemljane površine) dok se za prekopavanje ostalih površina, popločanih površina, betonskih površina plaća se naknada od 200 KM / m².

Za korištenje javnih površina u svrhu postavljanja samostojećih ormara u telekomunikacijske svrhe plaća se mjesečna naknada u iznosu od 40 KM po m² zauzete javne površine ,bez obzira na zonu.

Član 45.

Za korištenje poligona za obuku vozača plaća se mjesečna naknada u iznosu od 50 KM mjesečno.

Korisnik poligona (auto - škola) je dužan na osnovu rješenja nadležne Službe općine Banovići regulisati prava, obaveze i odgovornosti u pogledu korištenja poligona.

Član 46.

Za korištenje antenskog stuba u svrhu postavljanja radio,tv i internet predajnika plaća se naknada kako slijedi:

- po postavljenom antenskom elementu 20 KM/mjesečno
- po postavljenom radio,tv i internet predajniku 100,00KM/mjesečno

Član 47.

Za privremeno korištenje javne površine namijenjene za taxi stajališta utvrđuje se mjesečna naknada po jednom taxi stajalištu u iznosu od 5,00KM u svim zonama.

Član 48.

Za privremeno korištenje javne površine za postavljanje montažno-demontažnih bina u svrhu održavanja kulturnih,zabavnih,sportskih i drugih manifestacija takmičarskog karaktera utvrđuje se naknada za jedan dan po 1 m² i iznosi:

- | | |
|------------------------------|--------|
| 1. naknada za I zonu | 2,50KM |
| 2. naknada za II zonu | 2,00KM |
| 3. naknada za IIIzonu | 1,00KM |
| 4. naknada za IV,V i VI zonu | 0,50KM |

Član 49.

Zone koje su pomenute u ovoj Odluci za koje se plaćaju određene naknade odnose se na zone i granice gradskog građevinskog zemljišta broj: 12/01-02-181/09 od 08.06.2009.godine i Odlukom o određivanju zona i granica zona ostalog građevinskog zemljišta broj:12/01-02-180/09 od 08.06.2009.godine.

Član 50.

Korisnicima javnih površina koji nisu u cijelosti izmirili naknadu za ranije odobreni period korišćenja,a ne izvršavaju ni druge obaveze utvrđene rješenjem , ne može se ponovo Izdati odobrenje za korišćenje javne površine ,a protiv istih biće pokrenut postupak za prinudnu naplatu putem suda.

Član 51.

Naknada za privremeno korištenje javnih površina neće se naplaćivati u slijedećim slučajevima:

- ako se javna površina koristi za potrebe ustanova iz oblasti predškolskog i školskog obrazovanja,nauke,kulture i prirodne baštine ,sporta,zdravstva,veterinarstva,socijalne zaštite,humanitarne i dobrotvorne organizacije i vjerske zajednice,iz osnovne djelatnosti

- ako se javna površina koristi za potrebe udruženja građana ,boračkih populacija kao i za potrebe drugih neprofitnih udruženja u svrhu prikupljanja podataka za potrebe udruženja,
- ako se javne površine koriste za potrebe sanacije, rekonstrukcije objekata koji se finansiraju donatorskim sredstvima i sredstvima državnih organa ,kao i za potrebe tekućeg održavanja objekata kad se izvode radovi na opravci i uređenju vanjskih dijelova zgrada gdje su investitori etažni vlasnici
- korištenje javne površine u svrhu održavanja raznih manifestacija organizovane od strane općine ,kao i druge svrhe od važnosti za općinu
- ako se javna površina koristi za potrebe Javnih preduzeća čiji je osnivač OV Banovići . ✓

V NADZOR I UPRAVNE MJERE

Član 52.

Nadzor nad provođenjem ove Odluke vrše Općinska inspekcija.

Član 53.

Prilikom obavljanja nadzora, organ nadzora ima pravo i dužnost da od lica koje zatekne u korištenju javnih površina zatraži na uvid odobrenje o korištenju javne površine.

Ako lice iz prethodnog stava odbije da pokaže tražene isprave ili ako ih iz neopravdanih razloga nije u stanju pokazati, organ nadzora donosi rješenje o zabrani korištenja javne površine sukladno odredbama člana 52.

Član 54.

Korisnik objekta i predmeta koji je postavljen na javnoj površini bez odobrenja izdatog od strane nadležne Službe, kao i sa odobrenjem čiji je rok istekao je dužan isto ukloniti, odnosno javnu površinu prestati koristiti i istu dovesti u prvobitno stanje.

Kad organ nadzora utvrdi da korisnik javne površine nije postupio u skladu sa stavom 1. ovog člana, kao u slučaju kad nastupe okolnosti iz člana 14. ove Odluke ili kad utvrdi da se javna površina koristi suprotno odredbama člana 4. ove Odluke narediće pismenim rješenjem korisniku da prestane koristiti zauzetu javnu površinu i da je u određenom roku dovede u stanje prije početka korištenja.

Rok po rješenju iz prethodnog stava ne može biti kraći od 3 (tri) dana niti duži od 8 (osam) dana. Ako korisnik javne površine ne postupi po rješenju iz prethodnog stava, organ nadzora odredit će da se potrebne radnje izvrše putem trećeg lica, a na teret korisnika koji nije izvršio rješenje u ostavljenom roku.

Član 55.

Svaku štetu učinjenu na javnoj površini kao i susjednim objektima, prilikom postavljanja objekata učinilac je dužan popraviti uspostavom ranijeg stanja ili ako to nije moguće dužan je nadoknaditi štetu.

Ako je došlo do oštećenja javne površine, uključuju se i troškovi dovođenja javne površine u prvobitno stanje.

Član 56.

U postupku uklanjanja bespravno postavljenih objekata na javnoj površini kao i u slučajevima iz člana 55. ove odluke pored stvarnih troškova premještanja i čuvanja mogu se naplatiti paušalni iznosi troškova i to :

- 100 KM za premještanje,
- 10 KM dnevno po m² zauzete javne površine za uskladištenje.

Uklonjene predmete vlasnici su dužni preuzeti u roku od 30 dana uz namirenje nastalih troškova, a u suprotnom uklonjeni predmeti će se prodati na javnoj licitaciji radi podmirenja troškova.

VI KAZNENE ODREDBE

Član 57.

Novčanom kaznom od 1.000,00 KM do 3.000,00 KM kazni će se za prekršaj pravno lice ako:

- javnu površinu koristi suprotno odredbama člana 4. ove Odluke,
- javnu površinu izdaje drugom licu,
- nakon isteka roka za korištenje javne površine ne ukloni tragove korištenja,
- započne korištenje javne površine prije nego pribavi odobrenje za korištenje i ne uplati određenu naknadu,
- javnu površinu koju koristi kao i objekte na njoj ne održava u uzornom redu i čistoći,
- na zahtjev nadležnog inspektora iz bilo kojeg razloga ne pokaže odobrenje za korištenje javne površine,
- Javna preduzeća kaznit će se novčanom kaznom ukoliko nakon prekopavanja javnu površinu ne privedu stanju kao prije prekopavanja
- ako ne postupi po nalogu nadležnog inspektora .

Za prekršaj iz prethodnog stava ovog člana kaznit će se i odgovorno lice u pravnom licu novčanom kaznom od 200-500 KM.

Za prekršaj iz stava 1. ovog člana kaznit će se i fizičko lice novčanom kaznom od 200 -400 KM.

VII PRELAZNE I ZAVRŠNE ODREDBE

Član 58.

Nadležna Služba općine Banovići provodi Odluku dok će nadzor nad sprovođenjem Odluke vršiti nadležni općinski inspektori.

Član 59.

Stupanjem na snagu ove Odluke prestaju da važe odredbe Odluke o o privremenom korištenju javnih površina i visini naknade na području općine Banovići ,broj:12/01-02-51/06 od 03.03.2006.godine ("Sl. glasnik općine Banovići",broj : 2/2006)kao i izmjene i dopune Odluke o privremenom korištenju javnih površina i visini naknade na području općine Banovići pod brojem: 12/01-02-30/09 od 29.01.2009.godine („Sl.glasnik općine Banovići" ,broj: 2/09) , 10/01-02-101/11 od 28.04.2011.godine („Sl.glasnik općine Banovići" ,broj: 5/11), 10/01-02-149/14 od 03.06.2014.godine („Sl.glasnik općine Banovići" ,broj:6/14), 10/01-02-315/14 od 03.12.2014.godine („Sl.glasnik općine Banovići" ,broj: 9/14).

Član 60.

Odluka stupa na snagu danom objavljivanja u „Službenom glasniku općine Banovići “.

Bosna i Hercegovina
Federacije Bosne i Hercegovine
Tuzlanski kanton
Općina Banovići
Općinsko Vijeće
Broj: 10/01-02- 72 /18
Banovići ,27.02. 2018.godine

PREDSJEDAVAJUĆI OPĆINSKOG
V I J E Ć A
Nermin Delagić